

A N I M A D V E R S I O N E S.

& Geth, inter quas est Beth-sames in Tribu Dan, dixerit, lib. 5. Antiq. 3. Sed Josue eas omnes Urbes in Tribu Juda scripsit 15. ideoque Beth-sames potius in Tribu Juda, quam in Tribu Dan: Sed ubicumque fuerit Beth-sames, ea à Tribu Benjamin remota est, totà Tribus Dan latitudine interposità,

Sed satis, superque dictum sit, de certis Urbium numeris restituendis, de variis Urbium nominibus conciliandis, deque earum positionibus, ex variis diversisque Authoribus, investigandis. In iis omnibus plurimus labor fuit, nullus nunc restat in Tribuum aliquot partibus distinguendis. Josue 15. Tribum Juda in undecim. 18. Tribum Benjamin in duas, 19. Simeonis Tribum etiam in duas distinxit partes five regiones. In prima Tribus Judæ parte Urbes enumerat 29. in secunda 14. in tertia 16. & in reliquis hujus Tribus partibus 9. 3. 11. 9. 10. 6. 2. 6. . . Sic & in prima Tribus Benjamin parte Urbes recenset 12. in secunda 14. & in prima Tribus Simeonis parte 13. in altera 4. Ex earum Tribuum in partes aliquot distinctione, methodum fecimus, non tantum de Urbium positionibus aliquem concipi posse ex earum recensione ordinem, sed etiam singulas Tribuum partes à se invicem distinguendas, & inter se non confundendas: ita ut unaquæque pars suos habeat à reliquis distinctos limites, & suum amplectatur Urbium numerum. Mirumque ex omnibus Tabularum, & Descriptionum Judææ Authoribus, nullum adhuc id sensisse, nedum demonstrasse.

Cæterum cum hîc plura dicendi, nec locus, nec tempus datum fuerit; majorem aliquando Terræ Sanctæ Tabulam, Descriptionemque ampliorem, &, ut speramus, accuratiorem dabimus. Tu interim Lector Benevole hoc nostro labore frui. Duas Tabulas delineamus, quarum prima continet totius Orbis extra Terram Sanctam partes, Regiones, loca, quorum mentio est in Scriptura Sacra: in iisque describendis, non hujus, nec illius sententiam secuti, eam amplexi sumus, quæ facillimè ad communem omnium hominum mentem conveniet. Altera Tabula tota ad Terram Sanctam pertinet, in eaque Tribus duodecim, Tribuum Partes, si quæ datæ sunt, rum & Regiones omnes distinximus. Urbes Regias, coronâ; Leviticæ, lituo; Urbes Refugii gemino lituo notari curavimus. Vale.

F I N I S.

NICO-